



D. O. M.
POSITIONES ANATOMICÆ
ET
CHIRURGICÆ.

EX ANATOMIA.
I.



IRANDAM Corporis humani structuram solidis & fluidis mutuo gaudentibus motu conflari neminem lateret. His omnibus integris, firmissima ac intacta viget sanitas; aut mutato naturali ipsorum æquilibrio, plurima enasci incommoda quis non noverit!



I I.

INNUMERIS præsertim sanguineis constituuntur canalibus & tubis solida ; alii à sinistro Cordis Ventriculo ad omnes corporis partes , & Arterias : alii verò ex omnibus Corporis partibus ad dextrum Cordis Ventriculum procedunt , & Venas nuncupârunt Anatomici. De Venis hîc præcipuè hæmorrhoidalibus ob tumores in ipsarum-met cavitare præter naturali dilatatione efformatos , acturi , quidquid ad ipsarum structuram , distributiones , actionem & motum spectat , quantum in nobis erit , exposnere conabimur.

I I I.

EXTREMITAS Intestini recti inferior in foramen , Anum nuncupatum , definit : iste pluribus firmatur Musculis , quorum alii levatores , alii sphincteres , crassioribus præterea exstruitur membranâ , variisque irrigatur vasis. Interna à Mesaraicis , & externa ab Hypogastricis suppeditantur , eaque sibi mutuò inoculantur.

I V.

Q UO debilior cujuscumque partis structura , eo lentior in ipsius vasis liquidorum circulatio ; haud ergò mirum accidit , quòd in venis Ano vicinis , hûc & illûc flaccido textû cellulari , maximâque pinguedinis copiâ circumdatis , multoties animadvertantur ingurgitationes.

E X C H I R U R G I A.

I.

HÆMORRHOIS sanguinis per quamlibet corporis partem , si vim nominis spectes , profluvium significat. Veteres tamen fluores sanguinis per venas duntaxat hæmorrhoidéas hâc voce indigitârunt. Nos verò ut clariù elucescant quæ circa positiones sunt indaganda , Hæmorrhoidum nomine tumorem à venarum hæmorrhoidalium tunicis in uno vel multiplici puncto ultra modum dilatatis efformatum intelligimus.

I I.

HÆMORRHOÏDUM differentiae plures : Cæcæ nimirum sunt & apertæ. Cæcæ dicuntur quæ intus latentes videri non possunt, quæque nullum prorsus emittunt sanguinem. Apertas è converso designarunt, aut in quibus, quamquam oculis sint imperviae, modò continuum, modò periodicum sit sanguinis profluvium, aut quæ visui conspicuæ, extrà tument. Illæ inflammatione afficiuntur, illæ secus : magnitudine insuper, numero, duritie inter se differunt : discrepant & figurâ : aliæ quippè morales à mori effigie, aliæ vesicales, seu uiales : loco præterea, quodd nempè intus vel extrà sedeant.

I I I.

IMPEDITO in venis Hæmorrhoidalibus, vel in vicinis, quoque id fiat modo, sanguinis circuitû, nascuntur Hæmorrhoides. Plurimæ autem ipsis assignari possunt causæ ; aliæ enim internæ, aliæ verò externæ. Priores ex vitiatâ tum solidorum, tum fluidorum indole, & ex quâcumque compressione internâ liberum sanguinis ascensum impediende, externæ causæ pariter ex compressione, contusione, erosione, nixu vehementiori &c. deducendæ sunt.

I V.

EXTERNÆ tumore, ut plurimum, rotundo, plus minùs-ve molli, subcæruleo nonnunquàm colore, lentiori progressû crescente, pressione digiti sæpè sæpiùs evanescente dignoscuntur Hæmorrhoides ; internæ verò difficiliore negotio & propriis tantum accidentibus, doloribus scilicet acutissimis, in obeundis functionibus difficultate, sanguinis profluvio, tensione, calore, febri &c.

V.

FLUENTES moderatè Hæmorrhoides, quàm plurimos sæpiùs sinè curant morbos, imminentes arcent, integramque fovent sanitatem : Quæ verò immoderatè fluunt, vires debilitant, totiusque machinæ detrimentum inducunt.

V I.

CÆTERUM à multiplicitate, sede, naturâ, mole, accidentibus diversa Hæmorrhoidum deducenda prognosis.

HÆMORRHOÏDUM quæ internis in venis contingunt, palliati-
vum tantum seu à generalioribus remediis, seu à moderatâ victus
ratione expectandam censemus curationem, quæ quidem sæpissi-
mè radicalis efficitur. Exterioribus verò Hæmorrhoidibus
perfecta, ut plurimum, competit curatio, imprimis tumoris
compressione, aut ligaturâ, si possibilis, hirudinum, medica-
mentorumque adstringentium usû, incisionibus & causticorum
interdum appositione obrinenda.

V I I I.

QUINQUE demum remedium generibus ad quinque cu-
rationis scopos collimando, curantur Hæmorrhoides. Aperiendæ
scilicet ultra modum tumentes, compescendus fluxus apertarum
immodicus, præcavenda fœculenti sanguinis generatio, mitigan-
dus dolor, ac tandem tollenda, si adsit, inflammatio.

*Has positiones, DEO JUVANTE & Præside M. FRAN-
CISCO-MICHAELE DISDIER, Artium & Chirur-
giæ Magistro, tueri conabitur JOANNES-BAPTISTA DUPUID,
Noviodunensis, Artium Liberalium Magister.*

P A R I S I I S,

IN REGIIS CHIRURGORUM SCHOLIS.

*Die Martis 17^a Octobris, à sesqui-secundâ post meridiem
ad Septimam. Anno Domini 1752.*

P R O A C T U P U B L I C O,

E T

MAGISTERII LAUREA.

Typis DELAGUETTE Regii Chirurg. Collegii
Typographi. 1752.